

ADMINISTRACIÓN LOCAL

MUNICIPAL

CAMBRE

Acordo Pleno 30.05.2024 - Retribucións, réxime de dedicacións e contías de asistencias e indemnizacións

Publícase, para xeral coñecemento, a parte dispositiva do acordo adoptado polo Pleno municipal, en sesión ordinaria do día 30 de maio de 2024, relativo á determinación dos cargos da Corporación a desempeñar en réxime de dedicación exclusiva e parcial, as súas retribucións, réxime de dedicacións, así como fixación das contías a percibir en concepto de asistencias e indemnizacións:

Primeiro: Determinar os seguintes cargos da Corporación para o seu desempeño en réxime de dedicación exclusiva cos dereitos e as obrigas que iso comporta, e coa retribución bruta anual (sen ter en conta a antigüidade a aboar pola administración de orixe en caso de servizos especiais) seguinte:

Alcaldesa-Presidenta: 59.238,54 €

Concellería con delegación especial dos servizos de Desenvolvemento Asociativo, Educación e Sanidade, incluídos na Área de Presidencia: 32.000,00 €

Concellería da Área de Servizos Sociais e Recursos Humanos: 32.000,00 €

Concellería da Área de Cultura, Deportes e Xuventude: 32.000,00 €

Concellería da Área de Desenvolvemento Local, Patrimonio e Turismo: 32.000,00 €

Segundo: Determinar o seguinte cargo da Corporación para o seu desempeño en réxime de dedicación parcial ao 75% da xornada, e coa retribución bruta anual seguinte:

Concellería da Área de Economía, Facenda, Innovación Tecnolóxica e Seguridade Cidadá: 24.000,00 €

Terceiro: As retribucións dos cargos con dedicación exclusiva e parcial incrementaranse na porcentaxe que o Goberno fixe nas respectivas Leis de Orzamentos Xerais do Estado para os empregados públicos, incluída a que neste 2024 aínda está sen publicar.

Cuarto: As retribucións arriba indicadas faranse efectivas dende a aceptación dos cargos, polo que serán de aplicación con carácter retroactivo dende o 22.03.2024 no caso do cargo da Alcaldesa, e para o resto das concellerías delegadas, dende a data de aceptación expresa do nomeamento do cargo de concelleiro/a delegado/a.

Quinto: Os membros da Corporación que non teñan dedicación exclusiva ou parcial percibirán pola concorrencia efectiva ás sesións dos órganos colexiados dos que formen parte as seguintes contías:

Plenos: 300 €

Comisións Informativas: 300 €

Xunta de Voceiros: 150 €

Xunta de Goberno Local ordinaria: 300 €

Xunta de Goberno Local extraordinaria: 0 €

Para percibir a totalidade da asistencia será obrigatorio, salvo causa sobrevenida de forza maior debidamente xustificada, que os/as concelleiros/as non abandonen a sesión ata que o alcalde dea por rematada a mesma.

A asistencia a varias sesións do Pleno, Xunta de Goberno Local, Comisións Informativas e Xunta de Voceiros que teñan lugar nun mesmo día, computaranse como unha soa asistencia.

Sexto: Os membros da Corporación que realicen comisións de servizo fóra do termo municipal terán dereito a ser indemnizados mediante axudas de custo polo importe establecido para o Grupo I no Real decreto 462/2002, do 24 de maio.

Terán, así mesmo, dereito a ser indemnizados polos desprazamentos que realicen dentro do termo municipal por razón de servizo.

En todo caso, no relativo ao réxime de xustificación e abono das indemnizacións, resultará de aplicación o sinalado no Real decreto 462/2002 e demais normativa estatal vixente na materia.

Sétimo: De conformidade co establecido no artigo 22 do Regulamento orgánico municipal, en concordancia co artigo 75.5 da Lei 7/1985, do 2 de abril, reguladora das bases do réxime local, publíquense integramente no Boletín Oficial da Provincia, taboleiro de anuncios da Corporación e páxina web municipal, os anteriores acordos.

Cambre, 1 de xullo de 2024

O alcalde en funcións

PD. (R.A. núm. 780/2024, do 24 de xuño)

Juan González Leirós

2024/4651